

## Minsche wie mir Songtext „Höhner“

Minsche wie mir dun kriesche un laache,  
Minsche wie mir sin nit jän allein.  
Rötsch doch jet nöher, wie Fründe dat maache.  
Minsche wie mir, jo Minsche wie mir!

Sunnachs em Veedel, et Wedder es schön,  
de Zupp koch em Kessel, mr hört kölsche Tön.  
All sin se jekumme zo Raki un Bier,  
och dä Willy, dä Ali, jo Minsche wie mir

Minsche wie mir dun kriesche un laache,  
Minsche wie mir sin nit jän allein.  
Rötsch doch jet nöher, wie Fründe dat maache.  
Minsche wie mir, jo Minsche wie mir!

Uns Oma die kütt jrad met Äpelschlot aan.  
Hammelkotledds lieje kross en dr Pann.  
Dr Büb spellt Flamenco, Jose'singk Berbuer,  
för et Lis, för Suleika, jo Minsche wie mir.

Minsche wie mir dun kriesche un laache,  
Minsche wie mir sin nit jän allein.  
Rötsch doch jet nöher, wie Fründe dat maache.  
Minsche wie mir, jo Minsche wie mir!

Sitaki un Schunkele – bei Kebab un Flönz  
Kumm rövver, jet schwade, no maach kei Jedöns.  
Zick Johre do wunne mer he Dür aan Dür  
un mer halde zesamme, jo Minsche wie mir.

Minsche wie mir dun kriesche un laache,  
Minsche wie mir sin nit jän allein.  
Rötsch doch jet nöher, wie Fründe dat maache.  
Minsche wie mir, jo Minsche wie mir!